



Broj: 05-25-16190-8/17

Datum: 13.12.2017.godine,

Na osnovu člana 60. Zakona o organizaciji organa uprave u Federaciji BiH ("Službene novine Federacije BiH", broj: 35/05), člana 70. i 89. Zakona o javnim nabavkama BiH ("Službeni glasnik BiH", broj: 39/14) i prijedloga Komisije za javnu nabavku radova broj: 05-25-16190-7/17 od 11.12.2017.godine, ministar Ministarstva za poljoprivredu, šumarstvo i vodoprivredu Zeničko-dobojskog kantona, donosi

ODLUKU

o izboru najpovoljnijeg ponuđača za nabavku radova- „Izgradnja kanalizacije u naselju Biljevina, MZ Želježno polje“, općina Žepče,

I

Prihvata se Prijedlog Komisije za javnu nabavku radova iz Zapisnika o ocjeni ponuda broj: 05-25-16190-7/17 od 11.12.2017.godine i dodjeljuje se ugovor za nabavku radova- „Izgradnja kanalizacije u naselju Biljevina, MZ Želježno polje“, općina Žepče, dodjeljuje se ponuđaču GP „HELDOVAC“ d.o.o. Žepče, Ljeskovica bb sa ponuđenom cijenom od 45.008,69 KM bez uračunatog PDV-a, kao najbolje ocijenjenom ponuđaču.

II

Ponuđač iz tačke I. ove Odluke, dužan je u roku od 5 dana od dana prijema Odluke dostaviti originale ili ovjerene kopije dokumentacije (ne može biti starija od 3 mjeseca računajući od momenta predaje ponude) navedene u tački 2.3.1. tenderske dokumentacije i to:

- a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, osim u slučaju postojanja važeće odluke o potvrđi stečajnog plana, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenje nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- d) uvjerenje nadležnih institucija da je ponuđač izmirio dospjele obaveze u vezi s plaćanjem direktnih i indirektnih poreza, i tačke 2.5.2., podtačke b) i c) tenderske dokumentacije i to:
 - a) Odgovarajući dokument/dokaz koji izdaje banka ponuđača ili druga finansijska institucija u skladu sa pozitivnim propisima, a kojim se dokazuje ispunjenje uslova da je transakcijski račun ponuđača aktivan, isti ne može biti stariji od 3 mjeseca računajući od dana dostavljanja ponude;
 - b) Bilans stanja i bilans uspjeha za period posljednje 2 finansijske godine (2015. i 2016.) ili od datuma registracije odnosno od početka poslovanja u predmetnom segmentu, ako je ponuđač registrovan odnosno počeo sa radom prije manje od dvije godine.

III

Po okončanju roka za žalbu, Ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku.

IV

Ova odluka objavit će se na web-stranici Zeničko-dobojskog kantona – www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje:

Ugovorni organ-Ministarstvo za poljoprivredu, šumarstvo i vodoprivredu Zeničko-dobojskog kantona je Odlukom broj: 05-25-16190/17 od 28.11.2017.godine pokrenulo konkurentski postupak za javnu nabavku radova „Izgradnja kanalizacije u naselju Biljevina, MZ Željezno polje“, općina Žepče, te je i obavještenje o nabavci objavljeno na Portalu javnih nabavki pod brojem: 455-7-3-38-3-38/17 od 28.11.2017.godine.

Procijenjena vrijednost predmetne javne nabavke je 51.200,00 bez PDV-a.

U ostavljenom roku, na adresu Ugovornog organa za predmetnu nabavku radova blagovremeno su pristigle 4 (četiri) ponude i to ponude ponuđača kako slijedi: 1. „ŠPIC BETON“ d.o.o. Zenica, Pehare 72, 2. „HAJDIĆ“ d.o.o. Maglaj, Misurići bb, 3. GP „HELDOVAC“ d.o.o. Žepče, Ljeskovica bb i 4. „GEO PUT“ d.o.o. Maglaj, Poljice bb, dok drugih ponuda nije bilo.

Komisija za javnu nabavku je sačinila Zapisnik sa otvaranja ponuda i Zapisnik o ocjeni ponuda na osnovu kojih je ugovorni organ konstatovao da je Komisija pravilno izvršila otvaranje ponuda i ocjenu istih, te je iz dostavljenog Zapisnika o ocjeni ponuda utvrđeno da: - ponude ponuđača pod rednim brojem 1. „ŠPIC BETON“ d.o.o. Zenica, 2. „HAJDIĆ“ d.o.o. Maglaj i 3. GP „HELDOVAC“ d.o.o. Žepče ispunjavaju sve uslove postavljene tenderskom dokumentacijom i da su prihvatljive za ugovorni organ, dok ponuda ponuđača pod rednim brojem 4. „GEO PUT“ d.o.o. Maglaj nije potpuna jer nisu dostavljeni svi dokazi koji bi potvrdili ispunjavanje uslova postavljenih tenderskom dokumentacijom.

Ponuđač „GEO PUT“ d.o.o. Maglaj u svojoj ponudi nije dostavio dokaz iz tačke 2.7.a) tenderske dokumentacije i to – dokumenta u formi potvrda o izvršenim radovima koje su izdali naručioci usluga sa ocjenom uspjehnosti realizacije ugovora odnosno dokaze o učinjenim pokušajima da osigura potvrde o izvršenim radovima ukoliko potvrde nije mogao dobiti iz razloga koji su izvan kontrole ponuđača; niti dokaz iz tačke 2.7.b) tenderske dokumentacije i to – kopiju Uvjerenja PIO/MIO o podacima registrovanim u matičnoj evidenciji, koji dokaz je postavljen kao kvalifikacioni uslov u cilju utvrđivanja potrebnog radnog iskustva na poslovima VSS, diplomiranog inženjera arhitekture ili građevinarstva ili inženjera arhitektonske ili građevinske struke. Ovaj kvalifikacioni uslov je utvrđen tenderskom dokumentacijom jer se iz tražene kopije Uvjerenja Porezne uprave o spisku zaposlenih radnika kod ponuđača ne može utvrditi koliko godina radnog iskustva posjeduje osoba/osobe zaposlene na poslovima VSS građevinske ili arhitektonske struke, a koje iskustvo (3 odnosno 5 godina) je uslov propisan Zakonom o prostornom uređenju i građenju Zeničko-dobojskog kantona. Kandidovana osoba od strane ponuđača za VSS građevinske struke je prijavljena kod Porezne uprave FBiH od 12.05.2017.godine.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristigle ponude u skladu sa kriterijem: „najniža cijena“. Kako je jedini kriterij za odabir najpovoljnije ponude u predmetnom postupku javne nabavke „najniža cijena“, po kojem kriteriju je ponuda ponuđača GP „HELDOVAC“ d.o.o. Žepče, Ljeskovica bb, za izvođenje radova- „Izgradnja kanalizacije u naselju Biljevina, MZ Željezno polje“, općina Žepče, sa ponudjenom cijenom od 45.008,69 KM bez uračunatog PDV-a kvalifikovana i najbolje ocijenjena, a u skladu sa odredbama člana 70. i 89. Zakona o javnim nabavkama BiH, odlučeno je kao u tački 1. ove odluke.

Pouka o pravnom lijeku:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi BiH, a putem ugovornog organa u pisanoj formi direktno, u elektronskoj formi ili preporučenom pošiljkom. Žalba se podnosi u najmanje 3 (tri) primjerka.

Dostavljeno:

4 x Ponuđači;

1 x Tenderska dokumentacija.

